



চট্টগ্রাম সিটি কর্পোরেশন

জনসংযোগ শাখা

প্রেস বিজ্ঞপ্তি

চট্টগ্রাম- ৪ সেপ্টেম্বর ২০১৭খ্রি.

সিটি মেয়র আ জ ম নাছির উদ্দীনের

সুস্থতা কামনায় খতমে কোরআন ও মিলাদ মাহফিল অনুষ্ঠিত

চট্টগ্রাম সিটি কর্পোরেশনের মেয়র আ জ ম নাছির উদ্দীন অসুস্থ হওয়ায় তাঁর সুস্থতা কামনায় আজ সোমবার সকালে কর্পোরেশনের কে বি আবদুচ ছতার মিলনায়তনে খতমে কোরআন ও মিলাদ মাহফিলের আয়োজন করা হয়। মিলাদের পূর্বে পবিত্র কোরআনের খতম আদায় করেন হযরত তারেকশাহ টাকশাহ (র:) মিয়া মাজার ও মসজিদের হাফেজগণ। মিলাদ মাহফিলে চট্টগ্রাম সিটি কর্পোরেশনের প্যানেল মেয়র চৌধুরী হাসান মাহমুদ হাসনী, কাউন্সিলর তারেক সোলায়মান সেলিম, মো. গিয়াস উদ্দিন, ছালেহ আহমেদ চৌধুরী, জয়নাল আবেদীন, নাজমুল হক ডিউক, সলিম উল্লাহ বাচ্চু, জহর লাল হাজারী, আবদুল কাদের, সংরক্ষিত ওয়ার্ড কাউন্সিলর আঞ্জুমান আরা বেগম, মনোয়ার বেগম মনি, আবিদা আজাদ, চট্টগ্রাম সিটি কর্পোরেশনের ভারপ্রাপ্ত প্রধান নির্বাহী কর্মকর্তা ড. মুহাম্মদ মুস্তাফিজুর রহমান, মেয়রের একান্ত সচিব মো. মঞ্জুরুল ইসলাম, স্পেশাল ম্যাজিস্ট্রেট (যুগ্ম জেলা জজ) জাহানারা ফেরদৌস, ভারপ্রাপ্ত প্রধান প্রকৌশলী রফিকুল ইসলাম, উপ সচিব আশেক রসুল চৌধুরী টিপু, প্রধান হিসাব রক্ষণ কর্মকর্তা সাইফুদ্দিন আহমেদ, ঠিকাদার এসোসিয়েশনের সভাপতি শফিউল আজম, তত্ত্বাবধায়ক প্রকৌশলীগণ সহ কর্পোরেশনের অন্যান্য পদস্থ কর্মকর্তা-কর্মচারীবৃন্দ উপস্থিত ছিলেন।

মিলাদ শেষে সিটি মেয়র আ জ ম নাছির উদ্দীনের আশু আরোগ্য কামনা ও দেশ-জাতির সমৃদ্ধি কামনায় বিশেষ মুনাজাত করা হয়। মুনাজাত পরিচালনা করেন চট্টগ্রাম সিটি কর্পোরেশনের এবাদত খানার ইমাম মাওলানা মোহাম্মদ ওসমান।

চট্টগ্রাম- ৪ সেপ্টেম্বর ২০১৭খ্রি.

পা পিছলে কোমরে আঘাত পেলেন মাননীয় মেয়র

পা পিছলে পরে গিয়ে কোমরে আঘাতপ্রাপ্ত অসুস্থ হওয়ায় চট্টগ্রাম সিটি কর্পোরেশনের মেয়র আ জ ম নাছির উদ্দীনকে তাঁর বাসভবনে দেখতে গিয়েছেন মন্ত্রী, এমপি, জাতীয় ক্রিকেটদলের তারকা, প্রেস ক্লাব, সাংবাদিক ইউনিয়ন নেতৃবৃন্দ ও পদস্থ সরকারি কর্মকর্তাগণসহ পেশাজীবী নেতৃবৃন্দ। অসুস্থ মেয়রকে গত শুক্রবার ও শনিবার যারা দেখতে গিয়েছেন তারা হলেন শ্রম ও জনশক্তি প্রবাসী কল্যাণ মন্ত্রী নূরুল ইসলাম বিএসসি, সাবেক মন্ত্রী ডা. আফসারুল আমিন এমপি, সংসদ সদস্য এম এ লতিফ, চট্টগ্রাম উন্নয়ন কর্তৃপক্ষ (সিডিএ) এর চেয়ারম্যান আবদুচ ছালাম, রেল মন্ত্রণালয় সম্পর্কিত সংসদীয় স্থায়ী কমিটির সভাপতি এ বি এম ফজলে করিম চৌধুরী, চট্টগ্রাম জেলা প্রশাসক জিল্লুর রহমান সিদ্দিকী, দৈনিক আজাদীর সম্পাদক এম এ মালেক, জাতীয় ক্রিকেট তারকা সাকিব আল হাসান, জাতীয় ক্রিকেটারবৃন্দ, চট্টগ্রাম প্রেস ক্লাবের সভাপতি কলিম সরওয়ার ও সাধারণ সম্পাদক শকল দাশসহ নেতৃবৃন্দ, চট্টগ্রাম সাংবাদিক ইউনিয়নের সভাপতি রিয়াজ হায়দার ও সাধারণ সম্পাদক মোহাম্মদ আলী সহ ইউনিয়ন নেতৃবৃন্দ এবং সরকারি সংস্থা ও বিভিন্ন দপ্তরের পদস্থ কর্মকর্তাবৃন্দ। দেখতে যাওয়া মন্ত্রী-এমপি সহ বিশিষ্ট জনেরা এ সময় মেয়রের সাথে কুশল বিনিময় ও তাঁর আশু আরোগ্য কামনা করেন।

চট্টগ্রাম- ২ সেপ্টেম্বর ২০১৭খ্রি.

পবিত্র ঈদুল আযহার ঈদ জামাতে বিশিষ্টজনদের ঈদের নামায় আদায়

পবিত্র ঈদুল আযহা মুসলিম উম্মাহর দ্বিতীয় প্রধান ধর্মীয় উৎসব। মহান আল্লাহ পাকের সন্তুষ্টির জন্য হযরত ইব্রাহিম (আঃ) এর আত্মত্যাগ অনুপম আদর্শের নিদর্শন কোরবান। ত্যাগের মহান মহিমায় উদ্ভাসিত হওয়ার দিন পবিত্র ঈদুল আযহা। আল্লাহর প্রতি অবিচল আস্থা ও বিশ্বাস এবং পশু কোরবানীর মাধ্যমে আল্লাহর দরবারে নিজেদের উৎসর্গ করার পবিত্র ঈদুল আযহা চট্টগ্রামে যথাযোগ্য

ধর্মীয় ভাবগম্বীর পরিবেশের মধ্য দিয়ে পালিত হয়েছে। চট্টগ্রাম সিটি কর্পোরেশনের ব্যবস্থাপনায় গত শনিবার, সকালে অনুষ্ঠিত পবিত্র ঈদুল আযহার প্রথম জামাত জমিয়তুল ফালাহ জাতীয় মসজিদে এবং দ্বিতীয় জামাত সহ নগরীর লালদিঘী জামে মসজিদ, বাকলিয়া স্টেডিয়াম, আরেফিন নগর জামে মসজিদ এবং নগরীর ৪১টি ওয়ার্ডের ১৬৬ মসজিদ ও ময়দানে ঈদ জামাতের আয়োজন করা হয়। জমিয়তুল ফালাহ জামে মসজিদ ময়দানের প্রথম জামাত সকাল ৭ টা ৪৫ মিনিটে অনুষ্ঠিত হয়। এতে ইমামতি করেন জাতীয় মসজিদ জমিয়তুল ফালাহ'র খতিব আল্লামা আলহাজ্ব সৈয়দ আবু তালেব মোহাম্মদ আলাউদ্দীন আল কাদেরী, মুহাদ্দিছ জামেয়া আহমদিয়া ছুল্লীয়া আলিয়া মাদ্রাসা, চট্টগ্রাম। এ জামাতে প্রবাসী কল্যাণ ও বৈদেশিক কর্মসংস্থান মন্ত্রী আলহাজ্ব নুরুল ইসলাম বিএসসি, সাবেক মেয়র ও মন্ত্রী মীর মোহাম্মদ নাছির উদ্দীন, সাবেক মেয়র মাহমুদুল ইসলাম চৌধুরী, রাজনীতিক মোহলেম উদ্দিন আহমদ, সোলায়মান আলম শেঠ, ডা.শাহাদাত হোসেন, কর্পোরেশনের প্যানেল মেয়র চৌধুরী হাসান মাহমুদ হাসনী, সাবেক সাংসদ, কাউন্সিলর, বিভিন্ন রাজনৈতিক দলের উচ্চপদস্থ নেতৃবৃন্দ সহ সরকারী কর্মকর্তা, সামাজিক সংগঠনের নেতৃবৃন্দ এবং হাজার হাজার ধর্মপ্রাণ মুসল্লিরা উপস্থিত ছিলেন। নামাজ ও খুৎবা শেষে চট্টগ্রাম সিটি কর্পোরেশনের মেয়র আ জ ম নাছির উদ্দীন অসুস্থ হওয়ায় তাঁর দ্রুত আরোগ্য ও দেশ-জাতির সমৃদ্ধি কামনা করে মোনাজাত করা হয়। মোনাজাত পরিচালনা করেন জাতীয় মসজিদ জমিয়তুল ফালাহ'র খতিব আল্লামা আলহাজ্ব সৈয়দ আবু তালেব মোহাম্মদ আলাউদ্দীন আল কাদেরী। জমিয়তুল ফালাহ জাতীয় মসজিদ ময়দানের দ্বিতীয় জামাতে ইমামতি করেন জাতীয় মসজিদ জমিয়তুল ফালাহ'র সিনিয়র পেশ ইমাম হযরতুল আলামা আলহাজ্ব মাওলানা নূর মোহাম্মদ সিদ্দিকী। ৪১টি ওয়ার্ডে সংশ্লিষ্ট কাউন্সিলরগণ ঈদ জামাতে উপস্থিত ছিলেন।

চট্টগ্রাম- ২ সেপ্টেম্বর ২০১৭খ্রি.

কোরবানীর পশুর বর্জ্য নাড়ি-ভুঁড়ি অপসারণ কার্যক্রম পরিদর্শনে

চট্টগ্রাম সিটি কর্পোরেশন এবারও বিকেল ৫ টার মধ্যে কোরবানীর পশুর বর্জ্য অপসারণের কাজ সফলতার সাথে শতভাগ সম্পন্ন করেছে। গত শনিবার পবিত্র কোরবানীর দিন বিকেলে নগরীর বিভিন্ন ওয়ার্ড ও গুরুত্বপূর্ণ সড়ক সমূহে সরেজমিনে উপস্থিত হয়ে বর্জ্য, নাড়িভুঁড়ি অপসারণ কার্যক্রম পরিদর্শন ও তদারকি করেন কর্পোরেশনের প্যানেল মেয়র চৌধুরী হাসান মাহমুদ হাসনী ও অধ্যাপক নিছার উদ্দিন আহমেদ মঞ্জু, বর্জ্য স্ট্যান্ডিং কমিটির চেয়ারম্যান শৈবাল দাশ সুমন, ভারপ্রাপ্ত প্রধান নির্বাহী কর্মকর্তা ড. মুহাম্মদ মুস্তাফিজুর রহমান, মেয়রের একান্ত সচিব মো. মঞ্জুরুল ইসলাম, প্রধান পরিচ্ছন্ন কর্মকর্তা শেখ শফিকুল মান্নান সিদ্দিকী প্রমুখ। পরিদর্শনকালে প্যানেল মেয়র, প্রধান নির্বাহী কর্মকর্তা পশু বর্জ্য অপসারণে সহযোগিতা করায় নগরবাসীকে ধন্যবাদ জানান। তারা বলেন, নির্ধারিত স্থানে কোরবানীর জন্য কর্পোরেশনের পক্ষ থেকে গত ১ সপ্তাহ যাবত নগরবাসীর সচেতনতা সৃষ্টির জন্য মাইকিং, লিফলেট, হ্যান্ডবিল বিতরণ করা হয়। এতে আমরা আশানুরূপ সাড়া পেয়েছি। এ কার্যক্রম এবার পুরোপুরি সফল না হলেও আগামী বছরে শতভাগ সফলতা আসবে বলে আশা করা যায়। এ সময় তারা নগরবাসীর সাথে কুশল ও শুভেচ্ছা বিনিময়ের পাশাপাশি বর্জ্য, নাড়িভুঁড়ি ও কোরবানীর পশুর উচ্ছিষ্ট অংশ নির্ধারিত ডাষ্টবিনে ফেলার অনুরোধ জানান।

সংবাদদাতা

মো. আবদুর রহিম

জনসংযোগ কর্মকর্তা